

Cæterùm cùm hanc synopsin mihi tantùm pro memoriâ consignare animus initiò fuerit, abstinere non potui à characteribus illis æstivativis penes Mathematicos hodie passim usitatis (+) plus (--) minus (= vel \neq) æquale (\propto) oppositum (::) proportio, quibus compendiosè notamus, & quidem signo (+) simul sumptionem terminorum vel additionem h. e. posterioris cum priore conjunctionem & utriusque velut accumulationem in summam unam: signo (--) restrictionem prioris termini per subtractionem posterioris ab eodem: signo (\neq vel \neq) exæquationem vel æquivalentiam & correspondentiam terminorum, signo (\propto) contrarietatem & oppositionem, signo (::) partem pro rata &c. Quæ cùm toties occurrant in Jure (occurrunt autem in plerisque titulis, etsi non semper expressè ponantur) indicio sunt, non denominativè tantùm res hîc spectari, sed omninò etiam æstivativè, h. e. ita ut, si certitudinem obtinere velis, more mathematico non tantùm quid & quale quippiam sit, sed & quantum sit, attendatur. l. 6. ff. de Rebus creditis. Hinc est quod toties in jure quærat *quanti ea res sit? quanti minoris? quanta potestatis? quantum damnum datum? &c.* Quod ipsum Quantum, feliciora quidem ingenia velut ex semet ipsis, naturâ tantùm duce, datis casibus etiam intricatissimis, accuratè definiunt; quibus tamen non contingit esse naturâ tam felicibus, hi dum artem æstivandi generalem, succinctis regulis & exemplis jucundissimis in Mathesi traditam juris studio præmittunt, facilè cum illis paria faciunt, idque, magno sumptuum & laboris compendio multò citiùs, quàm longo rerum usu tantùm, assequuntur. Omnium autem expeditissimum est, si naturam ars initiò statim excipiat, & artem usus insequatur. Unde quinam præcipuus in jure sit Matheseos usus, haut obscure datur intelligi.

Huc refer Mnemoneticum
Titulorum.

F I N I S.